



Isalathiso: 20210722-4543
Inombolo yefayili: 12/16/6/R
Imibuzo: T Petersen
GC De Bruyn

INgcaciso eMfutshane ye-Cape Teaching and Leadership Institute: 0003/2021

Iya: KumaSekela Balawuli-Jikelele, kuBalawuli abaziNtloko, kuBalawuli, (kwaNdlunkulu nakwii-ofisi zezithili), kwiiNtloko zamacandelwana nezamacandelo kwaNdlukulu, kwiiNtloko zoKunika iNkxaso kwiKharithulam, kwiiNtloko zoLawulo noKuphathwa kwamaZiko, kwiiNtloko zoQuquzelelo neNgcebiso ngeze-SLES, kuBaphathi beeSekethe, kuBacebisi ngeZifundo, kwiiNqununu zezikolo zikarhulumente, kwiiNtloko zamaziko eBakala R abhalisiweyo nakooSihlalo bamabhunga olawulo kwizikolo zikarhulumente

Isihloko: AmaBhaso okuWonga ooTitshala kaZwelonke ang-2021

1. AmaBhaso okuWonga ooTitshala kaZwelonke (*National Teaching Awards (NTAs)*) aqaphela ukutshatshela nemigangatho ephezulu yobuchule kumsebenzi wokufundisa nokubonelela abakumsebenzi wezemfundo ngamathuba okubhiyozela impumelelo yootitshala abagqwesileyo ngokuqaqambisa umsebenzi obalaseleyo owenziwa ngootitshala .
2. ISebe leMfundo leNtshona Koloni (ISebe iWCED) ke ngoko, liyazidla ngokuthi lazise yaye lisingathe umsitho wamabhaso ephondo aqho ngonyaka ang-2021, umsitho owandulela owamabhaso e-NTA aqho ngonyaka ang-2021, ocwangciselwe ukuqhubeka ngowe-**05 Oktobha 2021**.
3. Inguqulelo yekhompuyutha (*electronic version*) eyi-*Nomination and Information Guide*, equelethe iifom zokutyumba neekhrayitheriya zokufaneleka, iyafumaneka kule linki ingezantsi. Kukwaqhotyoshelwe apha nekopi ye-*Nomination and Information Guide*. Kucelwa niqaphele ukuba akukho zikopi ziprintiweyo ziya kunikwa izikolo. Kucelwa izikolo zikhuphele (*download*) amaxwebhu akhankanyiweyo ngokusebenzisa le linki ilandelayo:
<https://wcedonline.westerncape.gov.za/national-teaching-awards>
4. Kucelwa bonke ootitshala, amabhunga olawulo namagosa ezithili ukuba bangenise amagama abatyunjiweyo ngokusekelwe kwiikhrayitheriya ezikwi-*Nomination and Information Guide* kwinqununu zabo okanye kubaphathi bamaziko.

5. Ootitshala abafanele ukuwongwa banokutyunjwa kwezi ndidi zilandelayo.
 - UkuTshatshela ekuFundiseni kwiBakala R
 - UkuTshatshela ekuFundiseni kwiZikolo eziziiPrayimari (kumaBakala 1–7)
 - UkuTshatshela ekuFundiseni kwiZikolo eziziiSekondari (kumaBakala 8–12)
 - UkuTshatshela kuBunkokeli kwiZikolo eziziiPrayimari
 - UkuTshatshela kuBunkokeli kwiZikolo eziziiSekondari
 - UkuTshatshela ekuFundiseni kwiMfundo eneeMfuno eziZodwa
 - UkuTshatshela kwiThekhinoloji – IBhaso lokuFunda nokuFundisa okuPhuculweyo
 - UkuTshatshela ekuFundiseni iMathematika (FET)
 - UkuTshatshela ekuFundiseni i-Physical Sciences (FET).
 - IBhaso leMpumelelo kwezeMfundo ngeXesha Lonke loKuphila

6. Ukongeza kwezi ndidi zilishumi, kukho iindidi ezintathu ezintsha ezongezliweyo kwiindidi ze-NTA okokuqala ngqa ngo-2021 ekuzezi:
 - Ibhaso leQhawe/leQhawekazi (*He/She Hero Award*)
 - Ibhaso likaTitshala oGqwesileyo kunye
 - neBhaso loMfundi oGqwesileyo (iikhrayitheriya zokufaneleka zinokufunyanwa kwilinki echazwe kumhlathi 3 apha ngentla.)

7. Ngootitshala kuphela o.k.t iinqununu, amasekela-nqununu, ootitshala, iitheraphisti nesayikholojisti zezikolo zikarhulumente zabafundi abaneemfuno zemfundo ezizodwa abanokungenela udidi lokuTshatshela kudidi lweMfundo eneeMfuno eziZodwa. Kucelwa nifunde umhlathi 9.1 (iphepha 51) kwi-*Nomination and Information Guide* ukufumana inkcazelo engaphezulu.

8. Ziyacelwa iinqununu nabaphathi bamaziko bathumele iifom ezizaliswe ngokupheleleyo kule dilesi ye-imeyili ilandelayo: NTA2021@wced.info.

9. Kucelwa niqaphele **isiHlomelo A noLuhlu lokuTshekisha** ukufumana iinkcukacha zokungeniswa kweeFom ii-*Nomination Forms* nenkqubo elandelayo yokukhethwa kwabaphumeleleyo.

10. Ukuba ufuna ingcaciso engaphezulu, kucelwa uqhagamshelane nomququzeleli wesithili ochaphazelekayo odweliswe apha ngezantsi:

Isithili	Umququzeleli wesithili (Abaququzeleli bezithili)	Inombolo yefoni	Idilesi ye-imeyili
Metropole North	Mnu Owen Weeder	021 938 3174	Owen.Weeder@westerncape.gov.za
	Mnu Trevor Adams	021 938 3016	Trevor.Adams@westerncape.gov.za

Metropole Central	Nks Lesley Hutchings	021 514 6945	Lesley.Hutchings@westerncape.gov.za
Metropole South	Nks Genine Erfort	079 526 9264	Genine.Erfort@westerncape.gov.za
	Mnu Rowan Esau	021 370 2016	Rowan.Esau@westerncape.gov.za
Metropole East	Mnu Craig Paulsen	021 900 7035	Craig.Paulsen@westerncape.gov.za
West Coast	Nks Janine Adonis	021 860 1208	Janine.Adonis@westerncape.gov.za
Cape Winelands	Mnu Bertram Jacobs	021 348 0633	Bertram.Jacobs@westerncape.gov.za
Overberg	Mnu Edward Kies	084 583 5008	Edward.Kies@westerncape.gov.za
Eden & Central Karoo	Nks Yolande Damons	044 803 8344	Yolande.Damons@westerncape.gov.za
I-Ofisi yePhondo (CTLI)	Nks Tammy Petersen	021 900 5035	Tammy.Petersen@wced.info

11. Kucelwa abatyunjiweyo babenolwazi ngeekhrayitheriya nangenqubo yokukhethwa kwabaphumeleleyo.
12. Ukulungiselela ukukhethwa kwabaphumeleleyo kumanqanaba ephondo nakazwelonke, kuya kucelwa abatyunjwa bangenise inkcazo-ntetho (ka-PowerPoint okanye ipowusta) kwiikhrayitheriya eziqhelekileyo nezikhethekileyo ngokunjalo (*general and specific criteria*), eqaqambisa umsebenzi wabo omawuqwalaselelwe eli bhaso linqweneleka ngamandla. Oku kuya kusebenza njengodliwano-ndlebe lokugqibela lokumisela abaphumeleleyo kwiphondo nakuzwelonke.
13. Ngootitshala abahlanu abona baninzi abanokwenza iqela ngodidi ngalunye.
14. Umhla wokuvala wokungeniswa kwazo zonke iifom zokutyumba kwiCandelo le-Cape Teaching and Leadership Institute ngowe-**06 Agasti 2021**.
15. Ukukhethwa kwabaphumeleleyo kwiphondo kuya kuqhubeka ukususela kowe-**11–13 Agasti 2021** nowe-**16–18 Agasti 2021**.
16. Inkqubo yokukhetha abaphumeleleyo (udliwano-ndlebe neenkcazo-ntetho) iya kuqhutywa kusetyenziswa i-Microsoft Teams platform.
17. Abaphume isibini kwiphondo nabaphumelele emagqabini baya kufumana amabhaso njengoko kumiselwe liSebe iWCED.
18. Amabhaso ii-NTAs axhaswa nguMphathiswa weMfundo wePhondo, yiNtloko yezeMfundo, yimibutho yeemanyano zabasebenzi nemibutho yamabhunga olawulo.

19. Ayakhuthazwa onke amalungu angabahlali besikolo ukuba bathathe inxaxheba ekutyunjweni kootitshala abakufaneleyo ukuwongwa kwii-NTAs.
20. Kucelwa wazise ngokuqulethwe yile ngcaciso imfutshane kubo bonke ootitshala abafundisayo ukuze bakuthathele ingqalelo.

ISAYINWE: NGU-H MAHOMED

USEKELA MLAWULI-JIKELELE OBAMBELEYO WEKHARITYHULAM NOLAWULO LOVAVANYO

UMHLA: 2021-07-26